



Wie sich Predi-  
ger vnd Leyen halten sollen/  
so der Türck das Teutsche Land vber-  
fallen würde/Christliche vnd nottürf-  
tige vnterricht/ Johannis Bren-  
tij Predigers zu Hall in  
Schwaben.

ANNO M. D. XXXI.

Erstlich außgangen / vnd nun  
von newen wider gedruckt.

—o—o—o—



Gedruckt zu Magdeburg/bey  
Wilhelm Kofz/Im Jahr/  
1595.







# Wie sich Prediger vnd Leyen halten sollen wider den Türcken.



Die heilige Schrift Danielis vii. zeigt an vnter vierley gestalt der wilden Thier / wie das allein vier Keyserthumb auff Erden bis zu ende der Welt sein sollen / vnd vnter dem vierden sol der Antichrist geoffenbaret werden / vnd das jüngste Gericht kommen.

Das Erste Keyserthumb ist der Chaldeer vnd Assyrischer Reich. Nach dem aber dasselbige zergangen / ist angetreten das ander Keyserthumb / der Meder vnd Persen / wie Danielis v. geschriben ist. Nach dem Persier hat das dritte Keyserthumb angefangen / Nemlich des grossen Alexandri Reich vnd der Griechischen. Nach demselbigen ist das vierde / der Römer eingetretten / welches Keyserthumb das letzte sein sol / vnd der jüngste Tag ergreifen wird. Aus diesem allen wird kundbar das der gewalt des Römischen Keyfers aus Gott ist / vnd ein Göttliche ordnung / der bestehen sol bis an das ende der Welt. Derhalben wenn schon die Person des Römischen Keyfers ein lauter Heide were / so sind doch alle so ins Reich gehören schuldig / solchem Keyser vnterthenig zu sein / in denen stücken / die ein Keyser als ein Keyser zugebieten hat / vnd nicht wider GOTT sind.

Dieweil aber nu das gemein geschrey ist / Der Türke  
wolle das ganze Deutsche Land vberfallen /  
Wie sollen ihm die Prediger / auch andere Gottfürchtige  
Leut

A ij

Leut



Leut thun/Sollen sie predigen / das man sich mit gewerter  
Hand wider den Türcken sol stellen/ Oder ihm gleich thür  
vnd Thor auffsperrren/wenn er daher fehret/ wie Jeremias  
thet zu Jerusalem? Denn do der Babilonisch Kenser für  
Jerusalem zoge/prediget Jeremias in der Stad/Man solt  
sich ergeben/oder die Stadt würde zerschleiffte.

Antwort. Das Deutsche Land steckt voller böshheit/  
hat alle büberer sehr oberhand genomen bey Oberkeit vnd  
Unterthan. Dar zwischen ist das Euangelion dem Deuts  
schen Landgeoffenbaret. welches hoch geschmecht vnd als  
Keserrey geschendet wird. Darumb wil vnser HErr Gott  
seiner alten gewonheit nachfaren/ so ist ober das Deutsche  
Land ein mechtige grosse straff fürhanden vnd zukünfftig/  
Denn es ist Gottes gewonheit allzeit gewesen/das er zuuor  
einem Land so mit böshheit erfüllet ware / hat lassen das  
Wort Gottes verkündigen / vnd so es nichts geschaffet/  
sondern viel mehr verschmehet ist worden. / hat er sein straff  
darauff heschickt/Also thet er für der Sündflut/ Die Welt  
was böß/er schicket Noe /der ward mit seinem Euangelio  
verachtet. Vor der verderbung Sodome vnd Gomorre/  
schicket er den frommen Lot / Vor dem Unfall Egypti  
schicket er Mosen vnd Aaron. Vor der erste zerstörung Jes  
rusalem schickt er die Propheten / Vor der andern sandt er  
Christum vnd die Aposteln / vnd nach Christo vnserm lies  
ben HErrn/als das Weltsche Land verderbt vnd gestraffe  
solt werden/ sendet er Augustinum Ambrosium/vnd ande  
re fromme Lehrer/ die predigten allzumal der Welt ihre  
Sünden vnd Missethaten/ermaneten die Menschen/man  
solt sich bessern / oder Gottes Zorn wird nicht aussen blei  
ben/etc. Dergleichen Historien möcht ich mehr einführen/  
aber vmb fürze laß ich sie faren/den bey den frommen vnd  
Gottfürchtigen ist's gnug/so bey den bösen vnd versteckten/  
auch



auch tausend erschrockentliche geschichte nichts schaffen  
würden.

Nu mein allerliebsten frommen Christen / die weit  
jehund in Teutschem Land Sünde vnd laster gros vbel vñ  
missethaten kein schand mehr sind / vnd das heilig Euange-  
lion geoffenbaret / den Gott fürchtigen zu gutem / so gebüre  
es einem rechtschaffen Prediger sein Volck zu ermanen /  
das sie sich bessern vnd von den grewlichen sünden ablassen /  
Denn nach anzeigung aller ding sey ein straff Gottes vor-  
handen / welche aber wol müg gewendet werden / durch bes-  
serung des Lebens / wie man im Jona liest / Welcher pre-  
diget / die Stadt Ninue würde zu grund gehen in vierzig  
tagen / Da aber der König vnd das Volck sich besserten /  
ward der Herr inen gnedig / lies die Stadt nicht vnterge-  
hen / vnd Ezechielis. xxij. beklaget sich Gott selbs / das er  
gern hette gewolt den zorn ablassen / wenn er ein man hette  
gefunden / der einen zaun hette für gebawet / vnd were gegen  
ihm gestanden seinen zorn zu weren / das er das Land nicht  
zerschleiffte.

Darüber sind die Prediger auch schuldig den Keiser  
vnd die Fürsten ernstlich zu ermanen / ihr ampt auszurich-  
ten dem Türcken mit dem Schwert widerstand zu thun /  
vnd sollen hierrinn nicht ansehen / ob vielleicht das Türcken  
macht grösser were / sondern sollen Gottes befehl vnd Gebot  
folge thun / vnd darauff ihren trost setzen / vnd glauben Gott  
werde ihn helfen wieder die mörderischen Türcken streiten /  
vnd sind die Vnterthan schuldig mit Leib vnd Gut / ihren  
Herrn zu helfen / vnd ihr selbs Weib vnd Kinder zu retten /  
Vnd dieser gehorsam ist ein gut heilig werck / das ob schon  
einer darinn omb kommet / sol er nicht zweiffeln / er sterbe in  
Gottes gehorsam / vnd so er sonst an Christum warhafftigs  
lich glaubet / wird er ohn zweiffel selig. Dis ist ein rechter  
Christlich



Christlicher trost/der alle fromen kriegern/Herrn vñ knech-  
ten ein frewdig Hertz machen kan/ so sie bedencken das sie  
Gott mit sich haben/vñ in Götlichem gehorsam streiten.

### Vrsach dieses Unterrichts:

Denn ein jede Oberkeit ist vor Gott schuldig frieden  
guerhalten / Land vnd Leut / wider vnrechten gewalt / vnd  
mörderen zuschützen/wie S. Paulus lehret/Rom. xiiij. Du  
greiffet der Türck Deutschland an/hat dazu kein anspruch  
kein recht/sondern vberfalt es/wie ein mörder / Wie nu die  
Oberkeit schuldig ist Dieb vnd Mörder zu straffen / Item  
dieselbigen/wo man sie vermercket/das sie wollen infallen/  
zu wehren/also ist auch Oberkeit schuldig dem Türcken als  
einem öffentlichen Rauber vnd Mörder zu weren/vnd auff  
diese vrsach sol ein jegliche Oberkeit/ auch alle Diener iren  
trost sehen/ das sie wissen das Gottes befehl ist / vnrechten  
gewalt / vnd mörderen zu wehren.

Das aber die Türcken/ nicht anders denn öffentliche  
mörder sein/beweisen sie nicht allein mit der that / sondern  
mit ihrem eigenen Gesez / denn ihr Mahomet hat ihn ge-  
boten / das sie sollen für vnd für angreifen Land vnd Leut  
zu erobern/ Durch diesen schein/ das Gott dem Mahomet  
verheissen habe/ die hoheit vnd gewalt auff Erden/vnd ge-  
ben für/Gott wolle erst seine verheissung / dem Abraham  
geschehen / das er Herr aller Welt werden sol / ins Werck  
bringen durch dieses Mahometisch reich. Diweill nu die  
Türcken sich rühmen dieses gesezes / sollen sich billich alle  
Oberkeit wider sie/ als wider öffentliche mörder setzen.

Zum andern beweisen die Türcken solch ihre mörderen  
auch schrecklich mit der that / denn sie fallen in andere Kö-  
nigreich ohn alle schuld vnd vrsach/wie sie vor funffzig ja-  
ren in



ten in die Osterreichischen Lender gefallen sind/so doch die  
 Deutschen jnen nicht ursach geben haben/So erzeigen sich  
 die Türcken auch im Sieg nicht als ehrliche Kriegsleut/  
 sondern als die gewlichsten böswichter auff Erden. Denn  
 da sie Constantinopel erobert haben/ hat der Türkisch ty-  
 rann des Keyfers vnd der Fürsten Weiber vnd Kinder in  
 ein bancket lassen bringen/vnd dieselbigen alda zuschanden  
 gemacht / darnach im bancket sie nacheinander zerhauen  
 lassen/ Vnd dieses ist nicht seltsam bey den Türcken / son-  
 dern ist ihr gewöhnlich triumphirn/ Wenn sie nu schon ur-  
 sach zu Krieg hetten/ sollen sie dennoch für mörder gehalten  
 werden / dieweil sie kein Kriegs recht oder Land recht  
 vnd zucht halten / Denn Kriegen sol dennoch die maß ha-  
 ben/das nicht wider natürlich recht (den das ist auch Gött-  
 lich recht) gehandelt werde / Vnd wenn Krieger natürlich  
 recht nicht wollen halten/ sol man sie für mörder / wie sie  
 denn sind/halten/Vnd bedencke ein jeder / was janter das  
 sey/Weib vnd Kind so gewlich zuschanden lassen werden/  
 denn ich mag es nicht erzelen / welch schand das teuffelsch  
 Volck treibet/mit allerley vnzucht / Zu Rodis ist ein ehrli-  
 che Frau gewesen/die hat zween junger Sön gehabt / Da  
 sie nu gesehen hat/das die Türcken die Stad erobern wür-  
 den/hat sie die zween Knaben selbs erstochē/damit sie nicht  
 vnter die Türcken kemen / darnach hat sie sich auff die  
 Mawren gemacht/ vnd redlich gestritten / so lange biß sie  
 auch ombkomen ist / Nu sage ich nicht das diese Mutter  
 recht gethan habe/ Aber ein jeder bedencke welch ursach sein  
 mus/das ein Mutter ein solche schreckliche that an ihrem  
 blut vnd fleisch fürnimpt / Warlich sie hat wol gewisset  
 wie die Türcken faren mit der jugend/ Darumb sollen bil-  
 lich alle redliche Menner/schand an den ihren zuuerhüten/  
 leib vnd leben wagen/ dem mörderischen Türkē zu weren.

Diß



Dies ist der grund vnd die rechte beständige ursach für  
Gott / dadurch ein jeder Christ gewis ist / das er ein gut  
werck thut so er wieder den Türcken streitet / die Herrn / als  
die anfenger / das Volck als die solchen gehorsam gegen ihr  
Oberkeit / für Gott schuldig sind. Über diese Ursach aber  
sind noch viel andere gros wichtige stück / die ein Christen  
sehr trösten mügen / so er wieder den Türcken zeucht.

Zum ersten verkündiget Gott durch den Propheten  
Daniel klar / das der Türke Gottes feind sey / so wir nu ge-  
wislich wissen / das der Türke Gottes feind ist / sind alle  
Christen schuldig / sich zu hüten / so viele ihnen möglich ist /  
das sie nicht vnter des Türcken regiment komen / Ja sollen  
in keinen weg willigen in solch Regiment / darumb sollen sie  
nicht williglich sich darunter ergeben / oder zu im fallen / denn  
wer in solch regiment williget / der macht sich theilhaftig aller  
Gottslesterung / vnd sünden so im ganzen Türkischen wes-  
sen sind / Gott hat vns nicht vergeblich verwarnet / sondern  
will das wir seine trewe warnung hoch vnd gros achten / der-  
halben ein jeder Christ schuldig ist sich für diesem reich / das  
der Teuffel zuuertilgung des namen Christi auffgerichtet hat  
zu hüten / vnd sol darin wider mit wort noch werck willig  
gē / wird aber einer mit gewalt gefangen / der mus solchs lei-  
den / das heist nicht willigen in vnrecht / sondern ist vnrecht  
leiden / wie der jenig leidet / so von einem mörder erschlagen  
wird Vnd dieser Areickel ist hoch vnd not zu bedencken / das  
wir lernen / welche greuliche sünde dieses sey / In des Tür-  
cken reich willigen / da sollen wir vns den Propheten für au-  
gen stellen / darinn vns Gott anzeiget / was er von diesem  
reich halt / nemlich / das Mahometisch religion vnd Regi-  
ment / eitel Gottslesterung vnd Mörderen sey / Gottsleste-  
rung ist / denn es verwirfft Christum / vnd das Euangeli-  
um / Mörderen ist nicht allein mit kriegem / sondern auch  
sonst



Sonst im Regiment/denn es helle kein zucht/strafft nicht die hohe grewliche laster allerley vnzucht / solcher schrecklicher sünden macht sich theilhaftig ein iglicher / der sich willig vnter den Türcken ergibt vnd sich nicht dermassen erzetget/das er nicht mit dem Herzen darein willige / So wir nu schuldig sind vns zu erzeigen / das wir nicht willigen in das Türckisch Reich/ so mag ein jeder verstehen das er sehr wol vnd Christlich thut / das er solches erzeiget an diesem ort / do er sich zu weren vnd zuuerfechten schuldig ist aus Gottes Gebot. Ich kan nicht bedenecken / wie solche hochwichtige vrsach nicht solten ein fromen Christen ein mut machen/ leib vnd gut darzu strecken wider die Türckisch tyranney vnd mord.

Zum andern/ sol dieses auch die Christen trösten/ die weil sie wissen / das das Türckisch reich Gottes feind ist/ das Gott dagegen die Christen nicht wird vntergehen lassen/ Denn ob schon Gott dieses schrecklich reich zur letzten vnd ergsten straff in die Welt hat komen lassen/so wil Gott dennoch/die Christen nicht lassen gar vntergehen/vnd wird der Mahomet nicht in aller welt allein regiern / Denn die weil Christus herschet/mus folgen/das er allezeit leute hab/ da sein heilig Euangelium werde geprediget/vnd in welche er wircke vnd regir/darumb sollen die jenige/so wieder den Türcken streiten/getrost sein vnd wissen/ob schon Gott bey der weil dem Türcken sieg gibt / das dennoch ihr streiten nicht vergeblich sein wird / sondern dazu dienet / das der Türck auffgehalten / vnd nicht Herr müge in aller Welt werden / Denn wie wol die Mahometischen grossen sieg gehabt haben/ so hat ihnen dennoch Gott sehr gewehret/ vnd bey der weile König vnd Fürsten geschickt / die sie zu rück geschlagen haben/als nemlich haben unsere alten löblichen Keiser mehr denn hundert jar zu Jerusalem löbliche

B

vnd



vnd Christliche krieg gefüret/ die Saracener zu dempffen/  
haben sie also auffgehalten / das sie nicht bald in Asia ge-  
waltig sind worden / diese Christliche krieg rhümet S.  
Bernard sehr/vnd nennet sie sanctam et tutam miliciam/  
vnd schreibet recht/ So hat auch Gott Johan Huniad vnd  
darnach seinen Son König Matthias zu Hungern/ Item  
dem löblichen König Alphonso inn Calabria grossen her-  
lichen Sieg geben wider die Türcken da durch sie bisher  
auffgehalten sind/ das sie vns nicht vor dieser zeit so nahe  
komen sind. Vnd diese löbliche thaten vnd exempel gedach-  
ter Keiser/ König vnd vieler Fürsten so in diesen zügen ge-  
wesen/vnd leib vnd leben zugesetz solten billich auch ihund  
Keiser / König / Fürsten / vnd vnterthan vermanen vnd  
vnd bewegen/land vnd leut zu retten vnd zu schätzen / wie  
ihr Vorfahren gethan haben/vnd sonderlich dieweil sie hö-  
ren/das solches Gottes gebot/vnd befehl ist / Aber wo der  
mangel ist/ weis meniglich/den es sind leider etlich die Kö-  
nig vnd Fürsten anreisen/in Deutschland vnschuldig blut  
zu vergiessen/ vnd sich dieses öffentlich in ihren Schrifften  
hören lassen/ Gott wehre denselbigem / vnd las ihr Cains  
gedanken nicht geratten.

Zum dritten / so tröst die Christen der Prophet Das  
niel selbs/vnd saget das das horn dadurch Mahomets reich  
bedeutet wird/sol nur drey hörner umbstossen / daraus fol-  
get gewislich/das der Türke nicht werde dz ganz Römisch  
reich erobern/ So er nu nicht das ganz Römisch reich er-  
obern sol/ folget auch/ das Leute sein werden/ die ihm wie-  
derstand thun werden/vnd Sig wider ihn haben/Denn so  
wir nicht sig wider in hetten/würde der Türke nicht auff-  
gehalten sondern wer lengst furt gefaren / vnd hette das  
ganz Römisch reich eingenommen/denn er hat sich ja umb  
Italia/vnd umb Hungern vor vielen jarn mit ernst ange-  
nomen/



nomen/ Darumb spricht auch Daniel/ das dasselbig Horn  
werde Krieg führen wider die heiligen / damit zeigt er auch  
an/ das dem Türcken widerstand geschehen werde / Denn  
sol er für vnd für Krieg führen / so wird er nicht ohn arbeit  
vnd schwertschlege ein land nach dem andern einnehmen.

Mit diesen Ursachen vnd dergleichen / so aus der heiligen  
schrifft mügen zusammen gezogen werden/ sollen sich  
trösten alle Christliche Oberkeit vnd Untertan / vnd im  
namen Gottes sich redlich weren mit allem vermügen wi-  
der die Türcken/ als wider offensliche mörder / vnd Gott  
anruffen / dieweil er die gegenwehr geboten hat/ er wolle  
dazu helffen/ wie David bittet/ **HERR** hilf dazu/ das du  
geboten hast/ vnd solch werck in Gottes gehorsam/ vnd ver-  
trauen auff Gott fürgenommen ist rechter Christlicher Got-  
tes dienst/ weit zu setzen ober die besten Kloster werck / wels-  
che nicht Gottes befehl haben.

Das aber etliche dagegen anziehen das Exempel Jer-  
emie/ der den König zu Jerusalem hiesse / er solte sich erge-  
ben/ Darauff ist dieses zu antworten/ wenn dieselbige sache  
nicht ein sonderlich ding gewesen were/ hette es ketner new-  
en offenbarung bedurfft. Die Jüden hatten befehl sich zu  
weren/ wie auch ein jeglicher potestat befehl hat so viel er  
recht hat/ Dieweil aber Gott ein sonders machē wolt/ gab  
er dazu sonderlich Propheten/ lies verkündigen/ er wolt die  
Stadt schleiffen/ vnd wolt doch die gefangen wider dahin  
bringen nach siebenzig Jarn/ vnd zeigt den frommen die-  
sen einigen weg an/ dadurch sie solten erhalten werden/ das  
sie sich ergeben / denn sie würden wieder heim kommen/  
Wer nu das Exempel Jeremie brauchen wolt / der solt  
vorhin gewiß sein von Gott/ das wir wider vom Türcken  
in vnser Lender gesetzt würden / das vnser Regiment vnd  
Gottesdienst in vnsern Lendern wider angerichtet würde/

B ij

Dieweil



Dieweil sie aber da von kein reuelatio haben / sollen sie die gegenwehr nicht verbieten.

Weiter Jeremias hat sonderlichen befehl gehabt / die gegenwehr zu verbieten / darumb hat er Gottes wort für sich gehabt / Derhalben so einer jetzt und wolte die gegenwehr verbieten / müste er auch sonderlich befehl anzeigen / Kan er das nicht so sol man der Regel folgen / vnd bey Gottes wort bleiben / das der Oberkeit gebeut / vnrechten gewalt zu weren / Denn ohn Gottes wort sol man in solchen hochwichtigen sachen nicht handeln. Es gilt nicht das gebot faren lassen vñ nach exempeln handeln. Abraham hat seinen Son wollen opffern / den er hette sonderliche befehl dauon / wer nu nicht der gleichen befehl hat / sol das exempel faren lassen / vnd sich des gemeinen Gebots halten / Du solt nicht tödten / Also sol man vleissig exempel / vnd Gebot von einander scheiden / vnd wie man auch in rechten pflegt zu sagen / per teulosum est exemplis iudicare. Darumb die weil vns Gott nicht offenbart hat / ob er vns wider in vnser land setzen wil / so wir vns ergeben ist man schuldig Land vnd Leut zu schützen.

Das aber etlich da gegen schrien ein Christen gebüre zu leiden / vnd sich nicht zu weren / wie die wider tat. Fer vnd viel andere fürgeben / dauon acht ich habt ihr aus andern schrifften gnugsam vnterricht / wie Christus die rach verboten / oder nicht verboten habe / doch dieweil sich etlich vbel in diese sprüch schicken können / die so lauten als verbieten sie alle rach / vnd gegenwehr / wollen wir ein wenig dauon reden. Christus spricht Matth. 5. Ihr habt gehöre das gesagt ist / Auge vmb auge / Zane vmb zan / Ich aber sage euch das ihr nicht widerstreben / solt dem vbel / sondern so dir jemand einen streich gibet / auff deinen rechten backē dem biete den andern auch dar / etc. Diesen vnd dergleichen sprüch



Sprüche haben viel sehr ungerimpt gedeutet / vnd wer nicht  
recht weis wamit das Euangelium umbgehet / vnd das  
Christlich heiligkeit im Herzen stehet / vnd cufferlicher welt-  
licher ordnung gebrauchen müge dem ist nicht möglich die-  
se sprüche recht zuuerstehen / Derhalben sie auch nie kein  
Mönch recht gedeutet / vnd die Widerteuffer eben mit dem  
schein ihrer falschen vnd hipocritischen gedult zerreißen sie  
diese sprüche ganz.

Damit ihr sie aber recht verstehet / vnd mercken müs-  
get / das wir nicht ein Menschen gloßlin hinzu setzen / son-  
dern nemen den verstand aus gewisser klarer Schrift / solt  
ihr neben diese Sprüche setzen / diese Regel die klar in der  
Schrift ausgedruckt ist / nemlich / das Christus die Welt-  
lich Oberkeit vnd derselbigen recht straff / vnd schutz nicht  
auffhebet / das ist ja gewis / aus Paulo Rom. xiii. vnd an  
mehr orten. Daraus folget / das gedachte Sprüche nicht  
sollen noch mügen gedeutet werden wider der Oberkeit  
Ampt / gericht / straffe / schutz kriegen / vnd dergleichen / Wie  
auch dieses Gebot / *Non occides*, nicht wider die Oberkeit zu  
deuten ist / sondern sollen verstanden werden *de priuata vindicta* / das Christus gebet / das niemand auffer dem Ampt /  
einem eigenem mutwillen rach fürnemen sol / vnd solche hat  
er darumb geredt / Die Apostel steckten in den wahn / wie  
si h noch heutigs tags die Jüden trösten / der Messias solte  
ein weltlicher König sein / vnd sie müsten alle Heidnische  
Könige vnd regiment mit gewalt zu boden stossen / vnd sich  
zu Herrn machen. Diesen Irthumb hat Christus offte ge-  
strafft / anzuzeigen das sein Reich nicht ein weltlich cuffer-  
lich Königreich sein würde / Darumb sollen sie nicht rach  
oder gegenwehr fürnemen / dieweil sie nicht Oberkeit we-  
ren / vnd nicht im Ampt weren / das Schwert zufüren. Also  
verboten diese Sprüche allein *priuatam vindictam*, verbie-



ten nicht der Oberkeit Ampt/ sondern bestetigen viel mehr  
der Oberkeit Ampt/ denn wie Paulus spricht/ die Ruch so  
die Oberkeit thut / ist Gottes Werck/ Nu wird das Euan-  
gelium nicht Gottes Werck verbieten / sondern viel mehr  
bestetigen vnd preisen / Aber eigne Ruch außershalb des  
Ampts greiffte Gott in sein Ampt / das wil Christus nicht  
haben. Dis ist der rechte Christlich vnd gewis verstandt  
dieser Sprüche Christi / welcher fleissig zu mercken ist / zu  
vnterrichte des gewissens in vielen sachen / belangend das  
ganz euserlich leben/ vnd sonderlich das Regiment/ so weis  
ich das diese Spruch vielen gelarten Leuten zu schaffen ge-  
ben/ Aus diesem allen hoff ich / habt ihr genugsam vnter-  
richte / das Oberkeit vnd Vnterthan rechte gute Werck/  
vnd Gottesdienst thun/ so sie wider den Türcken streiten/  
Land vnd Leute wieder vnrechten gewalt zu schützen / vnd  
wollet getrost sein/ Es sind viel trefflicher anzeigung / das  
der Türck nicht höher steigen / sondern bald fallen werde/  
Wenn die not also fürfallet/ so helfft Manlich die Rotten  
Juden / ihr morden weren / denn Methodius nen-  
net die Türcken rotte Juden / derhalben das Mahomet  
sich rühmet / er habe die verheissung Abrahe / vnd wil der  
rechte Same Abrahe sein / vnd hat viel Jüdischen Cer-  
monien angenommen / Aber es sind rotte Juden / Das  
ist/ Bluthunde vnd Mörder / verfolgen den rechten Sa-  
men Abrahe / vnd Methodius spricht / Alexander hab sie  
verschlossen hinder dem Caspien gebirg / Aber ein Fuchs  
solle inen ein Loch wessen/ dadurch sie hernach eraus kom-  
men / damit hat Methodius angezeiget / was er für Leute  
meine / nemlich die Türcken / die lange zeit hinder dem  
Caspian gebirge gewohnet / vnd wiewol sie offte heraus  
habē fallen wollen/ sind sie doch durch den grossen Alexan-  
der vnd seine Nachkommen zu rüch getrieben/ bis zu lezt der  
Fuchs/



Suchs/ Das ist/ Mahomet kommen ist/ da sind die Tür-  
cken heraus gefallen / durch Gottes zorn vber die Welt/  
GOTT aber wolle vns gnedig sein/ vmb seines heiligen  
Namens willen / durch vnsern HERRN Ihes-  
sum Christum / vnd wolle den Tür-  
cken stürcken vnd vns erret-  
ten/ Amen.

E N D E.





Faint, illegible text, possibly bleed-through from the reverse side of the page.













AB

50A  $\frac{2}{h, 12}$

ULB Halle 3  
003 485 560




*Sch*


Rest.  
Sep./Okt 84 Schuss.











29 352



**Sich Predi-**  
eyen halten sollen/  
das Teutsche Land ober-  
e/Christliche vnd nottürf-  
richt/Johannis Bren-  
redigers zu Hall in  
Schwaben.

**D M. D. XXXI.**  
ausgangen / vnd nun  
neuen wider gedruckt.



zu Magdeburg/bey  
im Rosß/Im Jahr/  
1595.

